



Conradus Celtis Protucius ex Francia Germaniæ oriundus fuit. Erat is felicissimo ingenio & naturali facundia præditus. Itaque sese hinc inde ad varias Germaniæ Academiâs conferens, liberalium artium suo tempore doctissimus euasit. Erat Philosophus, Orator, atque Mathematicus insignis. In primis autem artem Poeticam excoluit, atque in usum studiosorum magna cum laude reduxit. In ea facultate cum natura & arte excelleret, à Cæsare Maximiliano Poëta laureatus creatus fuit, anno ætatis trigesimo quinto, atque salutis nostræ 1494. Scripsit in Ciceronis Rhetorica ad Cæsarem, præterea artem conficiendi uersus, & con-

scribendi Epistolas. Aedidit carmine uitam S. Sebaldi, atque Panegyrum ducis Bauariæ. Composuit etiam peregrinationem Sarmaticam, & Germaniæ situm, cum multis alijs, quibus ingenij sui præstantiam posteris commendauit. Trithemius.